



MEMORIA DE XESTIÓN ANUAL ANPA VALLE INCLÁN CURSO 2024 - 2025

ÍNDICE

- 1. ESTRUCTURA E ORGANIZACIÓN DA ANPA**
 - 2. ASEMBLEAS DE FAMILIAS SOCIAS**
 - 3. SERVIZO DE MAÑANCEIROS**
 - 4. SERVIZO DE COMEDOR ESCOLAR**
 - 5. SERVIZO DE CAMBIADORES**
 - 6. ACTIVIDADES EXTRAESCOLARES**
 - 7. FESTAS**
 - 8. CAMPAMENTOS**
 - 9. CURSO DE FORMACIÓN PARA DIRECTIVAS DAS ANPAs**
 - 10. OBRADOIROS E FORMACIÓNS PARA O ALUMNADO**
 - 11. OBRADOIROS E FORMACIÓNS PARA O PROFESORADO**
 - 12. OBRADOIROS E FORMACIÓNS PARA AS FAMILIAS**
 - 13. OUTRAS ACTIVIDADES**
 - 14. SUBVENCÍONS**
 - 15. CONSELLO ESCOLAR**
 - 16. MELLORAS NO CENTRO ESCOLAR**
- ANEXOS I, II**

1. ESTRUCTURA E ORGANIZACIÓN DA ANPA

A Asociación de Nais e Pais Valle Inclán está formada por tódalas familias de alumnado escolarizado no CEIP Ramón María del Valle Inclán que desexan asociarse.

As inscricións no curso 2024-2025 foron as seguintes:

- Familias socias: 198
- Alumnado:
 - Total: 257 crianzas, 54.9 % do alumnado total do centro (468)
 - Educación infantil: 85 crianzas, 64.3 % do alumnado de EI (132)
 - Educación primaria: 172 crianzas, 21.1 % do alumnado de EP (336)

O prezo da cota para asociarse á ANPA é de 35 €/curso por familia, independentemente do número de fillos e/ou fillas matriculadas no centro.

Para o acceso ós servizos da ANPA Valle Inclán (mañanceiros, cambiadores e actividades extraescolares) é obrigatorio ser familia socia. Para ser usuario do comedor escolar requírese do abono dunha cota de xestión por curso escolar de 50 € por familia, pago do que quedan exentas as familias socias da ANPA (35 €/curso escolar).

O 27 de marzo de 2025 tivo lugar unha asemblea ordinaria na que varios membros da xunta directiva da ANPA presentaron as súas renuncias, deixando os cargos de presidencia, vicepresidencia, tesourería, secretaría e unha vogalía a disposición da asemblea de familias socias para a formación dun novo equipo. Coa convocatoria desa asemblea abriuse un proceso de presentación de candidatos e varias persoas se presentaron voluntarias para formar parte da xunta directiva da ANPA. Na reunión da xunta directiva do día 4/4/2025 distribuíronse os cargos da nova xunta directiva que quedou conformada da seguinte forma:

Presidencia: Raquel Saavedra Cabo
Vicepresidencia: Tatiana Luaces Maciñeira
Secretaría: Marcos Riestra Vega
Tesourería: Laura Paola Vizcaíno Suárez
Vogalías: Elcira Adays Hernández Turizo
Adriana Mariño Uribe
Miren Aránzazu Fernández Carro
Yolanda Díaz Goas con
Paula Aguete Rodríguez

2. ASEMBLEAS DE FAMILIAS SOCIAS DA ANPA

Durante o 1º trimestre realizouse unha asemblea ordinaria o día 19/12/2024.

Durante o 2º trimestre realizouse unha asemblea ordinaria de familias socias o día 27/3/2025 (omo se acaba de detallar no apartado anterior) para a conformación da nova Xunta Directiva da ANPA Valle Inclán.

No 3º trimestre convocouse unha asemblea extraordinaria para o día 05/06/2025 co fin de presentar os servizos do vindeiro curso e informar doutros asuntos de interese.

3. SERVIZO DE MAÑANCEIROS

Para facer uso do servizo de Mañanceiros é obrigatorio ser familia socia da ANPA.

A empresa contratada pola ANPA para encargarse de levar a cabo o servizo de Mañanceiros é a empresa especializada Jardanay, que proporciona a coordinación e o monitorado. Ofrécense dúas modalidades no servizo: con almorzo e sen almorzo, para facilitar a conciliación ás familias.

HORARIO	07:30 a 09:00 h.
ALUMNADO INSCRITO	80 crianzas (17% do alumnado do CEIP e 31% dos socios da ANPA) Infantil: 21 crianzas, 13 modalidade con almorzo Primaria: 38 crianzas, 8 modalidade con almorzo
MONITORADO	1 coordinadora e 2 monitoras

O custo para as familias en función da modalidade escollida é o seguinte:

SERVIZO MAÑANCEIROS	PREZO SEN ALMORZO	PREZO CON ALMORZO
5 DÍAS/SEMANA	21,73 €/MES	38,02 €/MES
4 DÍAS/SEMANA	17,38 €/MES	31,50 €/MES
3 DÍAS/SEMANA	13,04 €/MES	23,90 €/MES
2 DÍAS/SEMANA	8,69 €/MES	15,21 €/MES
1 DÍA/SEMANA	4,35 €/MES	8,15 €/MES
ESPORÁDICO	2,72 €/MES	3,25 €/MES
10% desconto no segundo irmán/irmá 12% desconto tres ou máis irmáns/irmá Esporádico non conta con desconto		

- Calendario: dende o primeiro día lectivo ate o último, ambos os dous incluídos.
- Inscripción: cubrindo o formulario destinado a dito servizo que está colgado na páxina web de Jardanay:

https://jardanaycomedores.es/valle-inclan/wp-login.php?redirect_to=https%3A%2F%2Fjardanaycomedores.es%2Fvalle-inclan%2F

As instrucións para facela inscrición están colgadas no apartado “Servizos” da web da ANPA Valle Inclán: <https://anpa-valle-inclan.mozello.com/servizos/mananceirs/>

4. SERVIZO DE COMEDOR ESCOLAR

Para facer uso do servizo de Comedor escolar as familias deben aboar á ANPA unha cota de xestión de 50 €. As familias socias da ANPA están exentas do pago desta cota.

A ANPA xestiona o comedor escolar a través de Jardanay, unha empresa especializada que presta un servizo de comida transportada e proporciona o equipo de monitorado.

O servizo de Comedor Escolar realízase nunha única quenda e todo o alumnado come á mesma hora. O horario do servizo de comedor é entre as 14:00 e as 16:00 h. O alumnado é recollido polo monitorado nas aulas ás 14:00 h. onde se pasa lista dos usuarios e usuarias. A saída do alumnado realízase entre as 15:15 e as 16:00 h.

HORARIO	14:00 a 16:00 horas
ALUMNADO INSCRITO	220 crianzas (47% do alumnado do CEIP e 85% dos socios da ANPA) Educación Infantil: 71 crianzas Educación Primaria: 147 crianzas
TRABALLADORES	1 coordinadora, 14 monitores e 2 auxiliares de cociña

O custo para as familias en función dos días solicitados de servizo é o seguinte:

SERVIZO DE COMEDOR	PREZO
5 DÍAS / SEMANA	92,14 € / MES
4 DÍAS / SEMANA	77,12 € / MES
3 DÍAS / SEMANA	65,70 € / MES
2 DÍAS / SEMANA	43,80 € / MES
1 DÍA / SEMANA	21,90 € / MES
ESPORÁDICO	7,22 € / DÍA
10% desconto no segundo irmán 12% desconto tres ou máis irmáns Esporádico non conta con desconto	

- Calendario: dende o primeiro día lectivo ate o último, ambos os dous incluídos.
- Inscripción: cubrindo o formulario que está colgado na páxina web de Jardanay:
https://jardanaycomedores.es/valle-inclan/wp-login.php?redirect_to=https%3A%2F%2Fjardanaycomedores.es%2Fvalle-inclan%2F

· **Convivencia**

O equipo directivo do CEIP solicitou este curso a colaboración da ANPA para a actualización dos protocolos do NOF no que respecta ó comedor escolar, polo que se está traballando conxuntamente pola mellora das condicións do servizo e da cativada.

· **Cota de xestión de comedor**

Trala carta do Xefe Territorial enviada o curso pasado ás direccións dos centros quedaba establecido que as ANPAs non poden pedir a obrigatoriedade de ser familia socia ós usuarios do servizo de comedor escolar, dado que é un servizo complementario do centro (igual que o transporte). Tal e como se define na devandita misiva, as ANPAs dispoñen de autonomía para establecer os criterios de funcionamento e potestade de organización dende a transparencia.

Na asemblea extraordinaria de socios do día 17 de xuño de 2024 incluíase na orde do día o punto 5 “Información sobre os cambios na inscrición nos servizos da ANPA”. A opción proposta na asemblea para sufragar os distintos gastos que supón o servizo (seguros, xestoría, subvencións, materiais...) é cobrar unha cota de xestión de 50€ ás familias non socias que queiran ser usuarias do comedor. Esta opción foi revisada dende a Federación de ANPAs e moitas ANPAs da contorna adoptaron xa medidas similares para poder seguir xestionando o comedor dende as asociacións cumprindo co principio de igualdade e solidariedade que o Xefe Territorial quere garantir ás familias.

A Xunta Directiva da ANPA presentou ante o Consello Escolar a información sobre a medida aprobada para o cobro da cota de xestión de 50€, da que estarán exentas as familias asociadas á ANPA Valle Inclán. No consello escolar do 04/12/2024 a dirección do centro comunicou a existencia dunha queixa particular dunha familia, sen ter constancia de ningún documento que así o recolla. Indicouse que o asunto estaba no gabinete xurídico da Xunta e recomendouse esperar para aplicar a medida ata ter unha resposta.

O 26/12/2024 a Xunta Directiva da ANPA remitiu un escrito á Xefatura Territorial da Consellería para coñecer o motivo desa queixa particular que afectaba ó noso colexio, en base a que normativa está formulada, ante que organismo e en que data foi presentada. No escrito solicítase ademais que se aclaren as funcións e competencias da ANPA, posto que a asociación actúa como xestora de varios servizos, con numerosas obrigas fiscais,

contables, en materia de protección de datos, seguros, contratos, etc. facendo fronte a todas esas responsabilidades sen máis financiamento que as cotas dos socios e certas subvencións. Precisamos coñecer a norma autonómica dado que se está producindo unha situación de desigualdade con respecto a outras ANPAs da contorna, nas que xa se aprobou a mesma medida e se está aplicando sen problema en base ós regulamentos internos ratificados na normativa dos centros.

Os servizos xurídicos da consellería non deron resposta algunha ó noso escrito en todo o curso 2024 2025.

No segundo trimestre, con data 27/02/2025 a Xunta Directiva da ANPA presentou unha queixa ante a Valedora do Pobo ó respecto deste asunto. A resposta da Valedora, con data 18/3/2025 foi que “calquera información ou circunstancia relativa ao funcionamento do servizo, como o pago de cotas polas familias non asociadas, debe ser atendida ou resolta coa consellería”.

O feito de non aplicar esta medida foi un prexuízo para as familias que asociadas á ANPA, dado que houbo moitas familias non asociadas que gozaron de todas as vantaxes da ANPA sen aportar ningún fondo á mesma, o que pon de manifesto unha desigualdade e discriminación con respecto ás familias que si o fan. Durante o curso un total de 30 nenos e nenas desfrutaron do servizo de comedor escolar sen ser socios da ANPA nen pagar a cota de xestión. Deste alumnado, 8 nenos e nenas foron ademais beneficiarios da beca de comedor do Concello de Oleiros sen pagar cota de socios nin cota de xestión, grazas ós tramites que se realizan mensualmente dende a ANPA, asunto que xa foi comunicado oportunamente ós Servizos Sociais.

5. SERVIZO DE CAMBIADORES

Para facer uso do servizo de Cambiadores é obrigatorio ser familia socia da ANPA.

Coma o curso pasado, ofreceuse este servizo ás familias con crianzas matriculadas en educación infantil. A familia que contrata o servizo ten a súa disposición a persoal de Jardanay que se despraza ó centro escolar para cambiar á crianza se fose preciso.

O horario de atención inclúe o horario lectivo, o de madrugadores e o de comedor.

O prezo mensual foi de 16,50 € e por cada intervención 2 €.

HORARIO	07:30 a 16:00 h.
ALUMNADO INSCRITO	8 crianzas

· Calendario: dende o primeiro día lectivo ate o último, ambos os dous incluídos.

· Inscripción: cubrindo o formulario que está colgado na páxina web de Jardanay:

https://jardanaycomedores.es/valle-inclan/wp-login.php?redirect_to=https%3A%2F%2Fjardanaycomedores.es%2Fvalle-inclan%2F

6. ACTIVIDADES EXTRAESCOLARES

Para facer uso do servizo de Actividades Extraescolares é obrigatorio ser familia socia da ANPA Valle Inclán.

Como outros anos, a ANPA deu opción ó alumnado do centro escolar de inscribirse en actividades extraescolares durante o curso 2024-2025. Ademais de contribuír e facilitar a conciliación familiar, foi unha boa forma de que a cativada puidese desfrutar do seu tempo de lecer con actividades divertidas e enriquecedoras.

As actividades extraescolares que se ofreceron no CEIP Valle Inclán foron desenvolvidas pola ANPA a través de convenios firmados con distintas entidades culturais e deportivas da contorna, con moita experiencia e punteiras no traballo que desenrolan, o que proporciona moita calidade ás actividades das que puido desfrutar toda a cativada do noso colexio.

O media mensual de alumnado inscrito no curso foi de 172 (37% do alumnado do CEIP e 67 % dos socios da ANPA).

Trala oferta inicial lanzada a principio de curso formáronse grupos nas seguintes actividades:



ESCOLA GALEGA DE TEATRO MUSICAL

Actividade: **TEATRO MUSICAL**



LAURA GUALDA "NOS ARTE"

Actividade: **ARTE E PINTURA**



JUMPING KIDS

Actividade: **PEQUECHEF**

Actividade: **PONTE AL DÍA**

Actividade: **LUDOTECA**



ROBÓTICA EDUCATIVA “ROBOTIX”

Actividade: **ROBÓTICA**



ESCOLA DE MÚSICA “MODUM”

Actividade: **MÚSICA E MOVEMENTO**



ESCOLA DE AJEDREZ MARCO MORALES

Actividade: **XADREZ**



CLUB HÓCKEY “OLEIROS”

Actividade: **HOCKEY INICIACIÓN**

Actividade: **HOCKEY II**



CLUB BALONMANO “ATLÁNTICO”

Actividade: **BALONMÁN**



ESCOLA DE DANZA “SADANZA”

Actividade: **MULTIDEPORTE**

Actividade: **ACRODANCE**

CALENDARIO, HORARIO E INSCRICIÓN NAS ACTIVIDADES EXTRAESCOLARES

- Calendario: dende o primeiro día lectivo ate o último, ambos os dous incluídos.
- Inscripción: cubrindo os formularios correspondentes de cada entidade, que están colgados na aplicación web Miampa da ANPA Valle Inclán no apartado “Actividades extraescolares”:

<https://anpavalleinclan.miampa.com/extracurricular>

· O cuadrante de actividades extraescolares adáptase á demanda das familias usuarias. A súa realización está suxeita a acadar o número mínimo de alumnado inscrito.

O cuadrante durante o presente curso 2024 – 2025 foi o seguinte:

ACTIVIDADES EXTRAESCOLARES 2024 – 2025 ANPA VALLE INCLÁN

HORARIO	CICLO	LUNS			MARTES		
16:00 - 17:00	INFANTIL	MULTIDEPORTE	HOCKEY I (INFANTIL + 1º, 2º PRIMARIA)		ARTE E PINTURA	MÚSICA E MOVIMENTO	
	PRIMARIA	XADREZ	PONTE AL DÍA	HOCKEY II (1º, 2º EP)		BALONMAN	ACRODANCE
17:00 - 18:00	INFANTIL	HOCKEY II			ARTE E PINTURA		
	PRIMARIA						
HORARIO	CICLO	MÉRCORES			XOVES		
16:00 - 17:00	INFANTIL	MULTIDEPORTE	HOCKEY I (INFANTIL + 1º, 2º PRIMARIA)		ARTE E PINTURA	MÚSICA E MOVIMENTO	
	PRIMARIA	XADREZ	PONTE AL DÍA	HOCKEY II (1º, 2º EP)		BALONMAN	ACRODANCE
17:00 - 18:00	INFANTIL	HOCKEY II			ARTE E PINTURA		
	PRIMARIA						
HORARIO	CICLO	VENRES					
16:00 - 17:30	INFANTIL	PEQUECHEF (1 HORA E MEDIA)					
	PRIMARIA	TEATRO MUSICAL (1 HORA E MEDIA)	ROBÓTICA (1 HORA E MEDIA)				

ENTIDADE	ACTIVIDADE	PREZO / MES
CLUB HOCKEY	HOCKEY I – HOCKEY II	20,00 €
CLUB BALONMANO	BALONMAN	20,00 €
SADANZA	MULTIDEPORTE – ACRODANCE	20,00 €
MODUM	MÚSICA E MOVIMENTO	20,00 €
JUMPINGKIDS	PONTE AL DÍA	24,00 €
NÓS ARTE	ARTE E PINTURA	24,00 €
MIRKO	XADREZ	25,00 €
ROBÓTICA	ROBÓTICA (1 ½ HORA)	32,00 €
JUMPINGKIDS	PEQUECHEF (1 ½ HORA)	32,00 €
ESCOLA GALEGA TEATRO MUSIC	TEATRO MUSICAL (1 ½ HORA)	25,00 €

· TORNEO DE XADREZ

Por iniciativa de Marco Morales, mestre da actividade extraescolar de xadrez, ó longo do curso varios equipos formados polo seu alumnado participaron en torneos que tiveron lugar na Coruña enfrontándose a outros equipos de colexios da contorna.

Agasallouse a todo o alumnado da actividade cunha camiseta (cos logos do CEIP, da ANPA e do Club de Ajedrez Coruña) para poder lucir a mesma equipación nos torneos representando ó noso colexio. Foron actividades moi divertidas e de moito proveito para a cativada e as súas familias.



7. FESTAS

Como cada ano, a ANPA encargouse de solicitar os permisos e autorizacións precisos para a organización de varias festas. En todas elas prográmanse distintos obradoiros, animacións, xogos e actuacións para todo o alumnado do centro e as súas familias, ademais das Merendiñas de 6º EP para recadar fondos para a excursión de Fin de Curso.

• FESTA DE NADAL

Como novidade, durante esta festa ofreceuse a oportunidade de xogar ó xadrez da man do mestre que imparte a extraescolar cada semana no cole, Marco Morales.



• FESTA DE ENTROIDO

Este ano a festa contou con desfile de disfraces, obradoiros, animación e xogos para todo o alumnado do centro.



• FESTA DE FIN DE CURSO

Este ano a festa contou con exhibicións das actividades extraescolares, photocall, actuacións do alumnado de 6º de EI, “Verdiñ@s e Laranxiñ@s”, unha banda de música, xincana familiar e xogos de auga.

Como novidade este curso a maior parte das exhibicións dos traballos realizados nas extraescolares programáronse en xornadas anteriores á festa. Desta forma deuse a oportunidade ás familias e ás crianzas de desfrutar intensamente de cada unha das actividades.

Houbo exhibicións de Robótica, Hockey, Acrodance, Exposición de Arte e a estrea dunha obra de teatro musical, “Annie”.



· EXHIBICIÓNS DE FIN DE CURSO

ACOMPÁÑANOS!!!! ESTADES TODOS CONVIDADOS

**EXHIBICIÓNS
FIN DE CURSO**

VENRES 13 DE XUÑO

ROBÓTICA
17:00 H
AULA ROBÓTICA

*En horario de extracurricular,
as familias acceden a última
media hora para poder ver os
diferentes proxectos.

**TEATRO
MUSICAL**
17:30 H
SALA USOS
MULTIPLES

**Grán
estrea**

Annie

O MUSICAL ESCOLAR

Annie

ESTREA 13 DE XULLO ÁS 17:30
NO CEIP RAMÓN MARÍA DEL VALLE-INCLÁN

ACOMPÁÑANOS!!!! ESTADES TODOS CONVIDADOS

**EXHIBICIÓNS
FIN DE CURSO**

MÉRCORES 18 DE XUÑO

HOCKEY
16:15 H. PAVILLÓN

VENRES 20 DE XUÑO

ACRODANCE
16:15 H. FESTA FIN DE CURSO

EXPOSICIÓN DE ARTE
16:00 H. FESTA FIN DE CURSO

Elenco

Annie: Julia
Alcalde: Ayrton
Secretaria: Ahimara
Señorita Hannigan:
Alba
Celia: Satha
Antia: Candela
Leo (neña da rúa):
Daniela
Nico: Roi
Alicia: Elisa
Mariona: Iria
Antón: Julio
Xoana: Paloma
Rita: Sabela
Lucia: Olivia
Ari: Mica
Mara: Oreta

Annie

CEIP Valle-Inclán
Grupo Teatro Musical

8. CAMPAMENTOS

• CAMPAMENTO DE SEMANA SANTA



CEIP VALLE INCLÁN

CAMPAMENTO SEMANA SANTA
DEL 14 AL 21 DE ABRIL

Para niños y niñas de 3 a 12 años

MADRUGADORES DESDE LAS 07:45H

COMEDOR HASTA 16H

SEDES POR TODA LA CIUDAD

desde 49€ / 4 días

DESCUENTOS

- 2€ socios AMPAS
- 1€ compartir RRS
- 1€ Inscripción 15/3

Pide información en:
campamentos.serocio@gmail.com

calaparc **SerOcio**

• CAMPAMENTO DE VERÁN



INSCRÍBETE A NUESTRO CAMPAMENTO DE Verano

SEDES POR TODA CORUÑA Y ÁREA METROPOLITANA

Horarios
Campamento 9h-14h
Madrugadores desde 7:45h
Comedor hasta 16h

INSCRIPCIONES ABIERTAS EN SEROCIO.COM

¡TODO EL VERANO, HASTA SEPTIEMBRE!!

DESDE 69€ LA SEMANA

Para más información:
whastapp al 619015773
campamentos.serocio@gmail.com
Seguro 6€ / Se reserva derecho de admisión

Descuentos:

- 10% Socios AMPAS y empresas
- 5% Hermano/Amigo
- 5% Inscripción antes del 20/5

• CAMPAMENTO DE CIENCIA

O Campamento de Ciencia celébrase por iniciativa da docente Fina Roel Mosquera, como continuidade ó Clube de Ciencias que leva todo curso en funcionamento.

A ANPA colabora aportando materiais para o desenvolto dos experimentos e actividades e tamén facilitando a xestión dos permisos, as inscricións e a cobertura dos seguros.

É unha das moitas actividades desenroladas pola ANPA que conta coa subvención do Concello de Oleiros e beneficia a un gran número de cativos.



CEIP Valle Inclán

Campamento de ciencia

Horario 9:00 14:00

1ª quenda:
do 30 de xuño ao 4 de Xullo

2ª quenda:
do 7 ao 11 de Xullo

CLUB CIENCIA

Colabora: Museos científicos, CEIDA, Facultade de Ciencias da UDC, ANPA Valle Inclán

Actividade subvencionada polo Concello de Oleiros

Concello de Oleiros

9. CURSOS DE FORMACIÓN PARA DIRECTIVAS DAS ANPAs

Na sede da Federación Provincial de ANPAs da Coruña, FEDAPAS, tiveron lugar varias Formacións para Xuntas Directivas das ANPAs.

Representantes da Xunta Directiva da ANPA Valle Inclán asistiron ós seguintes: “Parte administrativa e normas xerais das ANPAs” e “Obrigas Contables e Fiscais”.

Unha vez máis a Federación brindounos esta oportunidade para seguir mellorando no noso traballo voluntario na asociación, algo que redunda en melloras para a nosa rapazada.



10. OBRADOIROS E FORMACIÓNS PARA O ALUMNADO

Ó igual que se fixo no curso pasado, a Xunta Directiva está aberta a promover actividades en horario lectivo que sexan de interese para todo o alumnado, propostas pola asociación de familias ou a petición do claustro mestres e mestras.

Das varias propostas presentadas este curso pola ANPA ante o CEIP, realizáronse as seguintes actividades:

• OBRADOIROS DE EDUCACIÓN AFECTIVO SEXUAL:

“Explorando nuestra sexualidad”, a cargo da xinecóloga e sexóloga Carol Strate. Este obradoiro de educación sexual integral realizouse con todos os grupos de 5º e 6º de educación primaria, en horario lectivo e acompañados dos seus titores, que quedaron moi contentos un curso máis coa acollida da mesma por parte do alumnado.



• CHARLAS SOBRE NUTRICIÓN

A dietista e nutricionista Laura Regueira, de Arela Saúde, impartiu unhas interesantes charlas para os tres grupos dos cursos de 5º e 6º de educación primaria.

Nos obradoiros trataron temas como os perigos do azucre e a importancia dunha alimentación saudable.



• MURAL PARTICIPATIVO CON ERB MON

Outro curso máis, a ANPA Valle Inclán quixo agasallar a toda a comunidade educativa e acercar o arte a toda a cativada do noso colexio.

O curso pasado a compañía teatral N+1 actuou en fin de curso para todo o alumnado, achegando a arte circense ó cole Valle Inclán coa súa obra “Circanelo”.

Este curso contamos con Erb Mon, artista plástico internacional especializado en murais de gran formato. O proxecto, organizado pola ANPA e concibido por Erb Mon, consistiu na creación dun mural colaborativo na que participou todo o alumnado do centro baixo a súa dirección.

A zona escollida para levar a cabo esta pintura foi o muro exterior do peche perimetral do colexio, un total de 325 m2 que xa acollen as cores e as formas da súa obra, inspirada na natureza e que busca estimular a imaxinación de todos os que a contemplan.

A actividade perseguía varios propósitos: había un interese educativo, ó incluír ás crianzas na mellora e coidado da súa propia contorna, compartindo a experiencia creativa, ademais de prestar un servizo ó conxunto da veciñanza ó transformar un espazo de convivencia e facendo que a arte sexa útil, accesible e construtiva.

Todo o alumnado participou na execución da obra (467 nenos e nenas de infantil e primaria), acompañado dos seus titores e titoras en horario lectivo, disfrutando do proceso e do resultado final.

Podedes coñecer algo máis deste artista e da súa obra mural premendo nas seguintes ligazóns: <https://erbson.art/about/> <https://erbson.art/>

A Xunta Directiva da ANPA quere agradecer a colaboración do CEIP Valle Inclán para levar a cabo esta actividade e por suposto ó Concello de Oleiros polo seu inestimable apoio e toda a axuda prestada neste proxecto, coma sempre, para promover un ensino público de calidade. Trátase dun obxectivo común que require do traballo conxunto de todos os axentes implicados: administración, docentes, familias, alumnado... A ANPA quere contribuír a este fin aportando iniciativas que poidan enriquecer a etapa escolar da nosa cativada e das súas familias e que redunden en beneficios para toda a colectividade.



11. OBRADOIROS E FORMACIÓNS PARA O PROFESORADO

·ACOMPAÑAMIENTO EMOCIONAL PARA LAS BUENAS VIDAS

A ANPA promoveu a celebración da formación para docentes “Acompañamiento emocional para las buenas vidas” a cargo de Sara Vierna, educadora social experta en igualdade e educación emocional cunha ampla traxectoria.

Dirixida a todo o profesorado, a actividade foi un achegamento á potenciación da conciencia emocional e á comunicación non violenta a través dunha formación práctica e vivencial, na procura dun impacto transformador nos asistentes que pode repercutir directamente no alumnado.

Coñecedora de que este tipo de formacións precisan de continuidade no tempo para manter a súa efectividade, á Xunta Directiva da ANPA gustaríalle seguir promovendo este tipo de actividades en cursos sucesivos contando co compromiso do claustro de mestres.



12. OBRADOIROS E FORMACIÓNS PARA AS FAMILIAS

• ESCOLA DE FAMILIAS

A Escola de Familias organizada pola ANPA no noso colexio deu comezo no 2º trimestre e continuou ó longo do 3º. Programáronse cinco charlas:

- Xoves 10/04/2025: “A crianza consciente como aliada dun acompañamento escolar saudable” (dirixido a Ed. Primaria)
- Xoves 24/4/2025: “Neuroeducación para pais e nais”
- Xoves 8/5/2025: “Fomentando a autonomía nas tarefas escolares”
- Xoves 15/5/2025: “Xestión do tempo en educación primaria”
- Xoves 22/5/2025: “Acompañamento emocional na primeira infancia”

A actividade estivo dirixida a toda a comunidade educativa (pais, nais e docentes) e foi facilitada por Clara Rodríguez, orientadora educativa con moita experiencia en educación formal e formación de futuros docentes.

Ofreceuse un servizo de canguraxe para todas aquelas familias que o precisasen.

A intención da Xunta Directiva da ANPA é poder dar continuidade a esta iniciativa.





13. OUTRAS INICIATIVAS

• DOAZÓN PARA A BIBLIOTECA ESCOLAR: SUBSCRICIÓN Á REVISTA 'PANTERA'

A ANPA Valle Inclán contribúe na adquisición de fondos para a Biblioteca do Centro. Hai dous cursos a xunta directiva da ANPA propuxo ó equipo docente encargado da biblioteca escolar contar coa revista Pantera (Editorial Sabana Books).

Durante este curso mantívose a subscrición que inclúe os números da revista en formato papel e dixital, descargables para docentes así coma outros recursos para fomentar a lectura entre a nosa rapazada.

• PARTIDO DE FÚTBOL

A ANPA promoveu o reparto de entrada gratuítas entre as familias do noso colexio para acudir ó último partido da División Feminina do Dépor Abanca contra o Sevilla FC no estadio de Riazor. Foi unha oportunidade de visibilizar o fútbol feminino e pasar unha tarde distendida en familia.



• 8M, DÍA INTERNACIONAL DA MULLER

A Xunta Directiva da ANPA Valle Inclán colaborou co CEIP na decoración das entradas de ambos edificios para conmemorar o Día Internacional da Muller.

• AGASALLOS 6º DE PRIMARIA

A ANPA entregou un agasallo ó alumnado que remata a súa etapa no colexio na festa de graduación que organiza o centro, así coma ós mestres e mestras deste último curso. Recibiron unha mochila de tela co logotipo da ANPA e os anos da promoción.



14. SUBVENCIONES

• CONCELLERÍA DE SERVIZOS SOCIAIS DO CONCELLO DE OLEIROS

A ANPA asinou novamente este curso 2024 2025 un convenio coa Concellería de Servizos Sociais do Concello de Oleiros, e xestiona mensualmente a documentación precisa para que as familias disfruten das bolsas do 40, 60 ou 100% do custe de comedor.

Durante o curso un total de 39 crianzas disfrutaron destas bolsas do Concello, un 18% dos usuarios totais do comedor escolar. Deste alumnado, 8 nenos e nenas foron beneficiarios da beca de comedor do Concello de Oleiros sen estar asociados nin pagar a cota de xestión de comedor. Esta situación anómala foi provocada pola espera dunha resposta ó escrito presentado pola ANPA ante a Xefatura Territorial da Xunta, que non se produciu en todo o curso.

• CONCELLERÍA DE ENSINO DO CONCELLO DE OLEIROS

Tras facer a solicitude en tempo e forma durante o mes de xullo de 2024, en outubro o Concello de Oleiros aprobou a concesión á ANPA Valle Inclán da Subvención para a realización de actividades no ano 2024. O importe da subvención concedida foi de 15.534,83 € para sufragar os seguintes gastos: Festas escolares, Agasallos de graduación para 6º EP, Teatro musical, Robótica, Música e movemento, Hockei iniciación, Hockei II, Baile galego e pandeireta, Balonmán, Xadrez, Baloncesto, Patinaxe, Xogos e psicomotricidade, Acrodance, Arte e pintura, Subscrición á revista Pantera, Obradoiros formativos para o alumnado, Formación para familias e docentes e Campamento de ciencia.

• XUNTA DE GALICIA

Este curso a ANPA fixo todos os trámites precisos para solicitar en tempo e forma a axuda de comedor da Xunta de Galicia.

15. CONSELLO ESCOLAR

• INICIATIVA ESPAZO SEN FUME NO NOSO COLEXIO

Este curso a ANPA suxeriu no Consello Escolar que se buscase no colexio unha forma de concienciar tanto ás familias coma ó persoal do centro educativo de que a escola debe ser un espazo libre de fume, facendo fincapé nos perigos do tabaco tanto para a saúde como para o medio ambiente entre a cativada.





Prohibido fumar

Lei 28/2005, do 26 de decembro
(B.O.E. do 27 de decembro)

Adoptouse a decisión de colocar carteis no exterior do centro, sinalizando de forma creativa o cumprimento da normativa e a recomendación de non fumar nos espazos circundantes do colexio. Para elo organizouse un concurso de debuxo entre o alumnado, que foi o encargado de deseñar e elixir os carteis que se situarán nas portas do noso colexio. O cartel gañador imprimiuse e colocouse en cada unha das portas exteriores do centro escolar.

Agardamos que esta iniciativa conxunta sirva para fomentar hábitos saudables entre toda a comunidade educativa.







Cartel elixido polo alumnado para colocarse nas entradas do colexio

• ENQUISA SOBRE USO DAS PANTALLAS EN HORARIO LECTIVO E O SISTEMA EDIXGAL

Son varias as familias que nos últimos anos trasladaron á ANPA as súas inquedanzas sobre o uso das pantallas en horario lectivo, tanto en infantil coma en primaria. Tamén se formularon moitas dúbidas sobre E-Dixgal e o seu beneficio para os nosos fillos e fillas, tendo en conta as últimas recomendacións da AEP (Axencia Española de Pediatría) e as evidencias científicas con respecto do uso das pantallas na infancia e adolescencia.

Estas inquedanzas foron trasladadas dende a ANPA e a representación das familias ante o Consello escolar en numerosas ocasións. Preguntouse cada curso sobre a avaliación do do sistema E-Dixgal dende a súa implantación no noso colexio hai tres cursos, así como sobre a súa próxima renovación unha vez superado o período inicial de 4 cursos (curso 2025 2026). Segundo as bases, o centro educativo poderá votar novamente cando se publique a convocatoria no inicio do ano 2026.

Para poder contar con datos obxectivos, a Xunta Directiva da ANPA expresou ante o Consello Escolar a necesidade de realizar unha enquisa entre todas as familias para poder coñecer de primeira man as súas valoracións. A Xunta Directiva deseñou un formulario de enquisa que estará activo dende o 2/6/2025 ata o 31/07/2025 e os resultados finais serán presentados ante o Consello Escolar.

· PROPOSTA DE MURAL PARTICIPATIVO (DOCUMENTO ANEXO I)

A ANPA ten o obxectivo fundamental de que o ensino público sexa de calidade. A asociación aporta iniciativas que poden enriquecer a etapa escolar da nosa cativada e das súas familias, redundando en beneficios para toda a colectividade.

Con esta vontade a ANPA Valle Inclán propuxo este curso a realización do mural participativo no noso colexio. Son varios os obxectivos desta actividade: hai un interese educativo, ó incluír á cativada na mellora e coidado da súa propia contorna, compartindo a experiencia creativa, ademais de prestar un servizo ó conxunto da veciñanza ó rexenerar os espazos de convivencia e facendo que a arte sexa útil, accesible e construtiva.

Para levar adiante esta actividade no colexio solicitouse unha reunión co Alcalde do Concello de Oleiros, o Concelleiro de Obras Públicas e a Concelleira de Ensino e Cultura e os concelleiros de Ensino e Obras Públicas.

· TERREO ANEXO (DOCUMENTO ANEXO II)

En cursos anteriores, dende o CEIP Valle Inclán, contando co traballo de docentes e alumnado, fíxose unha petición ó Concello de Oleiros para contar coa parcela anexa que limita cos terreos do centro, o pavillón municipal e a Rúa Anduriñas.

Durante este curso e contando co respaldo das docentes impulsoras desta iniciativa, a ANPA solicitou novamente ante o Concello de Oleiros que se retome esta interesante iniciativa.

Esta petición foi presentada ante o Alcalde do Concello de Oleiros, o Concelleiro de Obras Públicas e a Concelleira de Ensino e Cultura e os concelleiros de Ensino e Obras Públicas na visita que realizaron ó noso colexio.

Dende o Concello trasladouse a viabilidade desta ampliación dos terreos para o uso do colexio, para a que vanse iniciar os trámites precisos.

16. MELLORAS NO CENTRO ESCOLAR

• RENOVACIÓN DO MOBILIARIO DO COMEDOR ESCOLAR

Na asemblea extraordinaria do 17/06/2024 aprobouse por maioría destinar integramente a axuda de Comedor da Xunta de Galicia do curso 2022-2023 (cun importe de 24.405,58€) á adquisición de novo mobiliario para o comedor escolar.

Dado que o importe non acada para a totalidade da inversión, na asemblea ordinaria do 19/12/2024 aprobouse por maioría destinar integramente a axuda de Comedor da Xunta de Galicia do curso 2023-2024 para o mesmo fin.



Imaxes do comedor antes do cambio de mobiliario por parte da ANPA

Durante as vacacións de Nadal realizouse o cambio completo das mesas e bancos, tarefa na que colaborou persoal do Concello de Oleiros e da empresa Jardanay.

O custe de 24.890,20 € do comedor de infantil xa foi aboado. Está pendente recibir a nova subvención e realizar o pago do comedor de primaria.

Tamén estase estudando a forma de facer outras melloras nas instalacións, para optimizar espazos e buscar solucións para dar maior autonomía á cativada durante o momento da comida, como parte da súa aprendizaxe.



Imaxes do comedor na actualidade

Outros espazos que o CEIP pon a disposición da ANPA, coma o local social e a sala de arte, tamén foron mellorados para enriquecer e facer máis agradable a experiencia da cativada durante o tempo que están facendo uso dos servizos da ANPA.



Sala de arte



Lecturas para a cativada de Mañanceiros e Comedor



Local social da ANPA: zona para o monitorado, reunións da xunta directiva e oficina para a atención ás familias e coordinación da ANPA.



• SOLICITUDE DE MELLORAS PARA O CEIP VALLE INCLÁN

A ANPA revisa periodicamente as instalacións do noso colexio para asegurarse que están en óptimas condicións e solicitar as melloras e arranxos precisos.

No curso 2024 2025 a ANPA Valle Inclán solicitou as seguintes melloras:

EDIFICIOS

- Fachada e entrada principal:

- **Limpeza dos paramentos da fachada** do edificio principal, que presenta verdín.
(XA ARRANXADO)
- **Cambio das bandeiras institucionais**, dado que están totalmente rotas.
(XA ARRANXADO)

- Reforma da parte alta do comedor do colexio, aínda cos paramentos e o chan de obra trala reforma do comedor. O CEIP precisa transformalo nunha aula para multiusos.

(PENDENTE)

- Comedor escolar:

- **Pintado das paredes**
(PENDENTE)
- **Arranxo da rampla da saída de emerxencia para evitar as inundacións no interior da instalación, dado que ten unha inclinación que fai que cando chove entre auga por debaixo das portas**
(PENDENTE)
- **Reparación da porta acristalada de emerxencias**
(XA ARRANXADO)
- **Portas interiores do comedor:** arranxo da subxección da porta que da ó corredor e dos protectores de plástico para garantir a seguridade das crianzas.
(XA ARRANXADO)
- Procura de solucións para **suprimir os ecos, absorber o ruído e reducir a resonancia do espazo** co fin de mellorar o benestar das crianzas e do persoal que traballa nel.
(PENDENTE)

- Sala de usos múltiples:

- Cambio do riel das cortinas.
(PENDENTE)

- **Sala de arte (anexo á sala usos múltiples)**
 - Arranxar repisas de madeira das ventás.
(PENDENTE)
- **Almacén baixo escaleira:**
 - Arranxo da tapa e pintado do baúl de madeira para almacenaxe de material situado na entrada do almacén.
(PENDENTE)
- **Espazo ó final do corredor do piso inferior do edificio de infantil:**
 - Colocación dunha cortina nas portas de cristal que delimitan a estancia, o que permitiría facer unha división “visual” da zona e poder empregala en actividades .
(PENDENTE)
- **Saídas exteriores das aulas:**
 - Colocación de rampas nas saídas exteriores das aulas de infantil e primaria, para adaptarse ó Plan de Autoprotección do CEIP
(PENDENTE)

RECINTO ESCOLAR

- **Peches perimetral do colexio:**
 - **Substitución das vigas de cemento no peche da rúa Anduriñas**, que expón os listóns metálicos enferruxados e provoca a **caída de cascotes**.
(XA ARRANXADO)
 - **Limpeza dos muros en todo o perímetro** do colexio para retirar musgos e verdín.
(XA ARRANXADO)
 - **Arranxo do enreixado en mal estado** que permite a saída das crianzas do recinto.
(XA ARRANXADO)
- **Pistas exteriores**
 - **Limpeza das superficies onde están os xogos, cheas de verdín**
(XA ARRANXADO)
- **Arranxo do cristal roto no teito do patio cuberto do edificio de primaria.**
(XA ARRANXADO)
- **Solución á ausencia de medidas de seguridade na beirarrúa en obras no interior do recinto escolar dende hai meses.** As barreiras caen constantemente, apenas unha cinta

plástica separa as zonas de paso e de xogo do alumnado da zona de obra, as arquetas provisionais presentan numerosos buracos, están tapadas con táboas inestables, etc.

(XA ARRANXADO)

-Beirarrúa do edificio de primaria.

A zona próxima ó patio cuberto presenta lousas desprendidas e levantadas.

(PENDENTE)

CONTORNA DO COLEXIO

- Melloras en seguridade viaria:

- **Pintado de paso de peóns á altura da embocadura sen saída da rúa Anduriñas**, fronte a entrada ó pavillón municipal para garantir a seguridade do alumnado e as familias nas entradas e saídas escolares. Esta rúa conta cun único paso de peóns que está na esquina oposta da avenida Valle Inclán.

(PENDENTE)

- **Busca de medidas para evitar situacións de risco debido ós badéns da avenida.**

(PENDENTE)

- **Instalación de sinais visibles de “zona escolar” na contorna do colexio.**

(PENDENTE)

- **Arranxo das beirarrúas con lousas levantadas nas proximidades da Escola de Danza**

(PENDENTE)

- Melloras na recollida do lixo:

- **Colocación dun punto de recollida do lixo pechado**, co fin de mellorar a salubridade na zona de entrada principal das crianzas.

(PENDENTE)

- **Recollida diaria dos residuos.**

(PENDENTE)

En Perillo a 27 de xuño de 2025

XUNTA DIRECTIVA ANPA VALLE INCLÁN